


CHATONDA MUKURU

NA WANKHONGONO

 Mlenji uweme, kwa imwe. “Isitara Yiweme” chomene kwa waliyose wa imwe! Ili ndi limoza la mazuwa ghakuru chomene, mu chikumbusko cha chiwuka cha Fumu yithu. Ndi limoza la mazuwa ghakuru chomene pa mudauko wa charu chose. Ndi chiwuka. Ndipo ndise wakukondwa chomene kuwa kuno, mlenji uwu, pa dazi likuru ili. Ndipo kuwona zuwa likufuma, ndipo maluwa ghakutumphuka kufuma ku charu chapasi, chirichose chikuyowoya za Isitara.

Ndipo sono tiyeni tisindamiske mitu yithu pa kanyengo waka.

² Wadada Chiuta, mu Kuwapo Kwinu ise tafika. Ndipo ise tikukhazga Imwe kuti mutipenge ise, mlenji uwu, thumbiko waka lichoko lakusazgikirapo kufuma Kuchanya, kukhwaskika kunyake kuchoko kwa Isitara mu mauzima ghithu; kuti, para ise tikufuma muno, ise panyake tingayowoya, ngati iwo weneawo wakafuma ku Emausi, “Kasi mitima yithu yagoleranga yayi mkati mwithu, chifukwa cha Kuwapo Kwake?” Pakuti, ise tikuromba ichi mu Zina Lake, na ku uchindami Wake. Amen.

³ Uko mu buku laumaliro, chipatulo 28 cha Ivangeli la Mateyu Mutuwa, ndipo vesi 7, Ine nkhukhumba kuti ndiwazge kuwa mutu, apo ise tikunjira mu chisopo ichi.

Ndipo rutani mwaluwiro, ndipo mukawapalire wasambiri wake kuti iyo wawuka ku wakufwa; ndipo, wonani, iyo wakuruta panthazi pinu mu Galileya; kwenekula imwe mwakumuwona iyo: wonani, ine ndamuphalirani imwe.

⁴ Kuli kuwa kutumika kunandi kukuru kukaperekeka kwa munthu na wanthu wa charu ichi. Kweni nthu kukaŵako kutumika kwakuzirwa kwantheura kukaperekeka ngati kumoza uku, “Rutani mukaŵapalire wasambiri Wake kuti Iyo wawuka ku wakufwa.” Uko ndi kutumika kukuru. Ndipo nthowa yimoza pera uku kukamanya kuperekeka, yikaŵa chifukwa chakuti kukayenera kuti paŵe kutonda kukuru, chakudankha.

⁵ Wali kuŵako wanthu mu mazuwa ghithu, na mu mazuwa agho ghali kujumpha, na mu mudauko ukuru wa charu ichi, mu ukuru wake, malo ghakuru gha nkondo; wali kuŵako wachatonda wanandi wakuru, vinthu vinandi vikuruvikuru ivyo viri kuchitika ku mtundu wa wanthu.

⁶ Mwa kuyezgerera, ine nkughanaghana, apo ine nizanga mlenji uwu, kuwuka mlenji, ndipo nanguwavye mwaŵi kuti niwazge mwakukwanira. Chifukwa, ine nkhamanya yayi kasi ndi gawo uli, usiku wamara, ise tiwenge nalo muhanyauno, pakatikati pa mliska na ine, mu mauteŵeti. Kweni pa ulendo wane wakukhira, ine mbwenu nangughanaghana icho, mlenji uwu, chingaŵa chiweme chomene kuti ine nimanye chakuti niyowoye ku ŵanthu Ŵake, kuti nditore uthenga. Ine nangughanaghana za ichi, “Rutani mukaŵaphalire ŵasambiri Ŵake.” Sono, ŵasambiri Ŵake ndi Ŵake “ŵakumurondezga.” *Musambiri* ndi “mweneuyo wakurondezga.” Ndipo ine nangughanaghana za chisambizgo ichi, chakuti, *Chatonda Mukuru Na Wankhongono*.

⁷ Ndipo kughanaghananga za ŵachatonda ŵanandi awo ise tiri kuŵapo nawo mu charu ichi, na vinthu vikuru ivyo iwo ŵakachita kuti ŵarutiske panthazi na kutukura ukhaliro wa umoyo wa ŵanthu. Ine nkughanaghananga za Napoleon mukuru, kale mu mazuŵa ghake, umo iyo nthu wakaŵa ndendende munthu wa chiFrench, kweni iyo wakaŵa na chinyake mu malingaliro ghake. Chakudankha, iyo—iyo wakanyoza France, iyo wakachitemwa yayi ichi. Iyo wakiza kufuma ku vilumba. Kweni iyo wakaŵa na fundo mu malingaliro ghake, yakuti, dazi linyake kuti iyo wazamkutonda. Ndipo chifukwa icho iyo wakaŵira na ivi mu malingaliro ghake, iyo wakayenera kuŵa na chinyake wakakhumbanga kuti wachite.

⁸ Kwa munthu waliyose, pambere iwe undachite ntchito, iwe ukwenera kuti uŵe na chakulinga chinyake, nthowa yinyake, chinyake icho iwe ukukhumba kuchita, kuŵa na chakulinga chakuchitira, chinyake chakuti ulingalirepo.

⁹ Ndipo umo tose tikumanyira, pa kutora mudauko wa Hitler . . . panji, nthu wa Hitler, kweni wa—wa Napoleon, kuti iyo wakayendera ku mwezi, na mwa kusingha kwa nyenyezi. Iyo wakachita mwantheura umo, na kukhazganga; chifukwa nyengo yimoza yira iyo wakati wachita nthu, ndipo iyo wakatonda. Ndipo iyo wakiza mu France, ndipo iyo wakazgoka wankhondo mukuru. Iyo wakakoma ŵanthu ŵanandi, chifukwa chakuti iwo ŵakazomerezgana nayo yayi iyo. Ndipo iyo wakasesa charu chake chose, chirichose icho chikaŵa chakwimikana na iyo. Iyo mwakufikapo wakasesa ichi, chifukwa iyo wakenera kutora ichi munthowa yira. Usange iyo nthu wakatorenge ichi munthowa yira, nthu chikati chiwengepo chinyake chakwimikana na iyo nyengo yose, na pulani yake yikuru yeneiyo wakaŵa nayo mu malingaliro ghake. Umoyo wake yekha ukati uŵenge pa chofyo, nthu iyo wakenera kuŵa na ufumu wake wose wakufikapo waka umo iyo wakamanya kuwotorera uwu.

¹⁰ Ine nkughanaghana sono kuti imwe mukunirondezga ine mu ichi, za Chatonda mukuru uyo ine nkughanaghana. Chirichose mu Ufumu Wake chikwenera kuŵa cha Iyo.

Ichi chikwenera kuwa mtima, uzima, na thupi, vya Iyo. Chingaŵako yayi chakwimikana na Iyo. Chirichose icho chikaŵa chakwimikana na Iyo, Iyo wakwenera kuti wamazge ichi. Iyo wakwenera kuwa na chirichose chakufikapo cha Iyo. Ndipo para . . .

¹¹ Napoleon, iyo wakatora virwero, mizinga, futi, mivi, malupanga. Ndipo iyo wakaruta na ghanoghano limoza ili, lakuti iyo watondenge charu. Ndipo nadi iyo wakachita icho, pa msinkhu wa sate-firii. Para iyo wakaŵa mnyamata mwanichi, iyo wakaŵa munthu wakukanizga. Ndipo mbiri yake yikuru yikamupanga iyo wakujitemwa chomene; ndipo ichi chikafika pa misempha yake, mpaka iyo wakafwa pa msinkhu wa sate-firii, muloŵevu. Kutchuka kwake, iyo wakatondeka kuyima. Ndipo ine nkughanaghana za munthu, uyo pa uwu, pa msinkhu wa sate-firii, wakatonda charu ndipo wakafwa wali chidakwa, chifukwa cha kutchuka kwake, ndipo wakataya fundo yenyira iyo wakakhumbanga. Iyo wakaŵa a—iyo wakaŵa ngati mtundu ula wa chilinganizgo, panji, nthā chilinganizgo, ine ningamanya kuyowoya, kweni iyo wakaŵa chida cha devulu. Ndipo kuyezganga kuti watonde charu, ndipo iyo wakatondeka, pa sate-firii.

¹² Kweni, o, mukuru uyu, Chatonda wankhongono uyu mweneuyo ine nkhuwowa, pa msinkhu wa sate-firii, wakatonda chirichose icho chikaŵa mu charu chapasi na mu—mu gehena. Pa msinkhu wa sate-firii, Chatonda mukuru na wankhongono!

¹³ Ine nkughanaghana za nkondo zikuruzikuru izo ziri kutchayika pa malo. Ise tikumanya, kuti timalizge na Napoleon, kuti iyo wakafika ku umaliro wake pa Waterloo. Uwu ukaŵa mwaŵi wane, nthā kale chomene, kuti nkawona vikozgo vyakupangika na mahame gha magareta ghake, na vya ŵakukwera ŵakavalo na vya ŵanthu, za umo iwo ŵakakhalira pa malo. Ndipo magareta ghakalundana pamoza, vingerengere vyakuphyoka, nkhanira kuwaro kunjira mu vidikha, vya uko kuti chiwoneskero chikuru ichi chikuchitikira.

¹⁴ Ndipo ndi kurekana uli uko ichi chiri: kuwona munthu yura pa sate-firii, ndipo chasoni icho chiri mu chikumbusko cha nkondo yake yikuru na kutondanga; ndipo pamanyuma kuruta ku Yerusalemu, na kulaŵiska ku dindi lamwazi, ngati chikumbusko cha Chatonda mukuru na wankhongono.

¹⁵ Munthowa yinyake, chiripo chinyake mu kutonda. Usange ise tiri na chinyake icho ise tikukhumba, usange muli utenda mu thupi lithu, ndipo ise tikulimbamba pakatikati pa nyifwa na umoyo, ndi kutonda uli kukuŵako para ise tikuwona ichi chathereskeka. Usange ise tikulimbana na chizgoŵezi chinyake chikuru, panji chinthu chinyake chikuru icho chikutitibanizga ise, para paumaliro ndembera zikuru zikukwera ndipo ise

tatonda iyi; ndi kapulikiro uli ichi chikutipa ise, mkati mwithu, pakuti ise pamanyuma tingamanya kuwa chatonda.

¹⁶ Sono ine nkughanaghana za nkondo yaumaliro, na umo kuti para Hitler wakati wapoka Warsaw. Ndipo wina German wakughanaghana kuti kula kukaŵa kumozza kwa kutonda kukuru chomene uko kukamanya kuwako, chifukwa chakuti chirongozgi wawo mukuru, Adolf Hitler, pa nyengo yimoza wakabizga chirichose mu Warsaw, wakaphwanya mabiriji, ndipo biriji likuru likawa. Nyuzi zikanyamula vithuzithuzi vikuru vya kuwa kwa biriji. Wina German wakayenda mu msewu, ndipo iwo wakalizga ng'oma ndipo wakalizga malikhweru, ndipo masauzandi gha ndege zikajumphha kufupi kwa iyo, apo iyo wakawina kutonda kwake kwakudankha kukuru. Wakayamba ngati Alexander Mukuru, panji Napoleon, kuti watonde charu, kweni kasi iyo wakamalira nkhu? Mu kukhozgeka soni. Nadi, iyo wakachita.

¹⁷ Ine nkhumanya kukumbukira para iwo wakati wazenga Biriji likuru la Burma. Kukayenera kuti... usange iwo wakawenuka phiri. Wanyamata wanyake wali muno mlenji uwu, panyake, awo wakayambukapo pa biriji likuru lira. Yikaŵa ntchito uli iyo yikaŵako! Kukaŵa kunozgekera kweneko kukuru kukachitika, ndipo ndi ntchito yeneko uli yikachitika! Ndipo pakaruta ndalama zilinga pa kumanga Biriji lira la Burma, mamiliyoni gha madola! Wanyamata awo wakataya maumoyo ghawo, mu kuchita nthura! Kweni paumaliro, ndipo pakati pajumphha kanyengo, apo mtunda waumaliro wa nthowa ukati wamara, ndipo para biriji likati lamalizgika, kuti umo kuchemerezga kwa kutonda kukiza kufuma ku wanthu! Iwo wakaŵa na chakwendapo icho iwo wakayambukiranga mapiri, kuti watonde.

¹⁸ Ine nkughanaghana za chakwendapo chinyake, kuti dazi limoza ichi chikatayiska umoyo wa Fumu yithu yakutumbikika. Ntha ukaŵa waka msewu pera pa charu chapasi, kweni ukaŵa msewu wapachanya wakuchemeka "msewu wapachanya wa utuŵa," uko wakazuzi wazamkwendapo yayi, kweni wékha pera awo wali kulembeka. Wékha pera awo wali ku chigaŵa uko Iyo wali, wazamkwenda pa msewu wapachanya uwu.

¹⁹ Kutonda kukuru kuli kuchitika. Wanandi wa ise muhanyauno tikumanya kukumbukira makora za Nkhondo Yakudankha ya Charu. Ine nkukumbukira para ine nkhaŵa waka mnyamata muchoko, ine nkhumanya kuwapulika wapito wakulira; ndipo nanga ndi walimi, mu munda, wakayimiska wakavalo wawo, ndipo wakakhupuzga vipewa vyawo. Iwo wakachemerezga. Iwo wakahoyerera. Kasi kukachitika vichi? Nkhondo yikamara. Kutonda kukachitika. Chuma chikuru icho ise tikakhumbanga, paumaliro ise tikawina nkondo.

²⁰ Ine nkughanaghana za nkondo iyi yaumaliro ya charu.

Ine nkhalanga waka kusirya kwa msewu. Ndipo para wapito wakati wayamba kulira, wanthu wakachimbilira mu balaza; wanakazi na maapuloni ghawo, kuvuranga igho, na kughakhupuzganga igho mu mphepo. Vipolopolo vikaponyeka mu makuni. Wapito wakalira. Magalimoto ghakachimbira mu misewu. Wanthu wakawa pa makongono ghawo, ndipo wakakwezga muchanya mawoko ghawo. Iwo wakachemezga. Iwo wakalira. Chifukwa? Chifukwa nkondo yikamara. Ndipo wakutumbikika, wanyamata wakutemweka awo wakaŵa kusirya kwa nyanja, mwasonosono wawenge kuti wakwiza kunyumba kamosaso kwa iwo. Kutonda uli! Nyengo uli, ndipo chakukondweska ku mtima uliwose! Chikondwerero uli! Usiku ula, munthu waliyose wakaŵa mu kukondwa kwakuti, imwe nthena mukanjira mu resitoranti na kurya, na kuruta kuwaro ndipo ntha kulipira ichi, ichi chikati chiwenge waka makora. Imwe nthena mukagwiriska ntchito galimoto ya munyinu wapafupi, ichi chikati chiwenge makora. Imwe nthena mukaromba icho imwe mukakhumbanga, ndipo imwe nthena mukapokera ichi. Chifukwa chavichi? Kutonda kukachitika. Wanyamata wakizanga kunyumba. Iyi yikamara.

²¹ Ndipo ine nkughanaghana, m'bale wane, ntchiheni chomene kuti kakhwaskikiro ka mtundu ula kakukhalirira nthena yayi nyengo yose. Kweni, kwa Mukhristu, mlenji uwu, kutonda kwachitika. Mabelu gha chimwemwe ghakulira. Nkhondo yamara, pakatikati pa Chiuta na munthu. Kutonda kwachitika.

²² Pambere kutonda kulikose kundachitike, mitengo yikuru yikwenera kuti yilipirike. O, ndi mitengo uli! Ndipo nyengo zinyake iyi njakuzama chomene, ndipo iwo wakupanga mabamba ghakuru, kuphwasulika. Kweni, kuti muwe na phiri, ise tikwenera kuti tiwe na dambo. Pambere ise tindaŵe na kuwara kwa zuwa, ise tikwenera kuti tipokere vura. Pambere ise tindaŵe na ungeru, ise tikwenera kuti tiwe na usiku. Pambere ise tindaŵe na chakwenerera, iwo wakayenera kuwa na chakwanangika, panji imwe nthena mukamanya yayi icho chikaŵa chakwanangika.

²³ Kweni kuti mutonde na kuwina nkondo yikuru chomene iyo yikawinika, Yumoza wakiza kufuma ku Uchindami, virimika vinandi vyajumpha. Ndipo Iyo ntha wakajitorera pa Iyomwene mawonekero gha Mungelo. Iyo ntha wakiza ngati munthu munyake mukuru. Kweni Iyo wakiza kuzakasimikizgira kuti ichi ntha chikutorerera mivi na vipolopolo, na mabomba gha atomiki, kuti muwine nkondo. Iyo wakajivwarika Iyomwene mu kujikhizga, ngati bonda muchoko, ndipo wakababikira mu chakuryeramo viweto. Ntha ghakaŵako nanga ndi malo gha kubabikirapo Kwake, para Iyo wakati wafika. Ine nkukhumba kuti imwe mulaŵiske pa vyakukhumbikwira vinyake vya nkondo, iyo Iyo wakagwiriska ntchito.

24 Sono, mtundu wose wa Adam ukaŵa mu uzga. Iwo ŵakaŵa kula, kwambura chigomezgo, kwambura Chiuta, kwambura mwaŵi, kwambura lusungu, kwambura chirichose icho chikamanya kuŵavwira iwo. Warwani ŵakuru, ŵa chigaŵa cha kusi cha ŵakutayika, ŵakaŵajalira iwo mu mdima. Kukaŵavye nthowa yakufumira kuwaro. Pakaŵavye munyake wakamanya kuŵavwira. Pakaŵavye chakuti nthena chikachitika. Ichi chikawoneka ngati kwathunthu, kutayika kwathunthu.

25 Kweni Ngwazi yithu, Uyo wakiza kufuma ku makorido gha Uchindami, kukhiranga pasi!

26 Pakuti, pakaŵavye munthu pa charu chapasi wakamanya kuchita ntchito. Iwo wose ŵakaŵa, ngati kuyowoya kwa ku charu, mu boti lenelira. Ise tikaŵa, tose, “tikababikira mu kwananga, tikakulira mu kwananga, tikiza ku charu tikuyowoya mautesi.” Ndipo pakaŵavye wa ise wakamanya kovwira munyake. Ise tikayimilira ŵambura movwiri, nthimbanizgo ku lwandi lirilose, tose ŵambura kukoleranako. Ise tikatondeka kusunga marango na myambo, kusanganga kufoka kwawo na vinyake nthoura, ise tikatondeka kuchita ichi. Ndipo kukawoneka ngati kuti mtundu wose wa ŵanthu ukaŵa mu chivundi.

27 Ndipo pamanyuma Iyo wakiza, Iyo wakakhira pasi. Chifukwa, “Iyo wakaŵako mu mtendeko,” Baibolo likati, “Iyo wakaŵa Mazgu.” Iyo wakaŵa Logos ilo likafuma kwa Chiuta. Ndipo Logos, mu mtendeko, ghakaŵa Mazgu. Ndipo Iyo wakazgoka Mazgu. Nthoura para Iyo wakati wakwera kuchanya pa dazi lira lauchindami la Isitara, Iyo wakazgoka Mazgu pera yayi, kweni Iyo wakazgoka Msofi Mukuru wa Mazgu Ghake Yekha. O, chinthu chauchindami uli, M’bale Neville! Kughanaghana kuti Iyo nthanda ndi Mazgu pera, kweni Iyo ndi Msofi Mukuru wa Mazgu Ghake Yekha! Kasi ise tikayikenge uli ichi? Kasi ise tirutenge uli kwa Iyo ndipo nthanda kugomezga kuti ise tapokera icho ise taromba? Pakuti, Iyo ndi Mazgu ndipo Muŵeyereri wa Mazgu! Logos likazgoka Mazgu, ndipo Mazgu ghakazgoka thupi; ndipo thupi lenelira ilo likaŵa Mazgu, likapokerereka mu Uchindami, ndipo sono ndi Msofi Mukuru kupanga maŵeyerero, kwizira mwa Iyomwene, kufika ku Mazgu Ghake.

28 Icho ndicho chikukhumbikwa! Icho ndi chipangizo icho Mpingo uli nacho. Chida uli! Nthanda chiri kuŵako chimoza ngati Ichi. Iyo wakaŵa Mazgu. Ndipo para Iyo wakati wafika, Iyo wakababikira mu chakuryeramo viŵeto. Iyo wakiza kuzakagwiriska ntchito chida cha c-h-i-t-e-m-w-a, chitemwa, kuti watonde charu; nthanda na vipolopolo vya ŵankhondo, nthanda na futi zikuru na ŵakasinja. Kweni Iyo wakiza mu kaŵiro kanyake. Iyo wakiza mu mawonekero gha chitemwa. Iyo wakaŵa kutemwa kwa Chiuta.

²⁹ Nyengo yimoza, ngati mnyamata muchoko, ine kale nkughanaghananga kuti Khristu wakanitemwa ine, ndipo Chiuta wakanitinkha ine; chifukwa chakuti Khristu wakandifwira ine, kweni Chiuta wakaŵa na chinyake chakwimikana nane. Kweni ine nkhafika pa kusanga kuti Khristu ndi mtima wa Chiuta. “Chiuta wakatemwa chomene charu, kuti Iyo wakapereka Mwana Wake wakubabika, kuti uyo yose wakugomezga pa Iyo waleke kutayika, kweni waŵenge na Umoyo Wamuyirayira.”

³⁰ Sono Iyo wakwiza, pakudankha, kuti watonde. Ndipo chinthu icho devulu wakaŵika mu charu chikaŵa thinkho. Ndipo Iyo wakwiza kuzakatonda thinkho. Para ise tikuwina nkondo zithu, na vinyake ntheura, mu nkondo za charu, ichi nyengo zose chikusida, rutaruta, thinkho; chifukwa nkondo za mtundu ula ndi za murwani. Kweni Khristu wakwiza na chitemwa, kuti watonde thinkho, kuti watemwe iwo ŵeneawo ŵakaŵa ŵambura kutemweka. Iyo wakwiza na chida chakulekana. Ndipo Iyo wakajikhizga Iyomwene, “wakapangika wakuhira pachoko kuruska Wangelo,” kuti wasuzgike na nyifwa, na kuti wapereke chiyezgerero. Ndipo para Iyo wakaŵa pano pa charu chapasi, Iyo wakayenda pakati pa ŵanthu.

³¹ Iyo wakasimikizgira virwero Vyake vya nkondo, para Iyo wakachizga ŵarwari. Para Iyo wakatora mabisiketi ghankhonde na vipitika viŵiri vya somba, ndipo wakaryeska ŵanthu fayivi sauzandi, Iyo wakasimikizgira kuti Iyo wakaŵa na nkhangono pa atomiki lililose ilo likaŵako. Ntha kuti Iyo wakalenga somba pera, kweni Iyo wakalenga somba zakuphika. Ntha kuti Iyo wakalenga tirigu pera mu mabisiketi ghara, kweni Iyo wakalenga tirigu wa kuphika mu mabisiketi ghara. Ichi chikawoneska kuti Iyo wakaŵa Chatonda mukuru yura na wankhangono! Ntha kuti Iyo wakanegha maji pera mu chisime, kweni Iyo wakapanga maji ghara, vinyo, kufuma mu chisime. Iyo wakasimikizgira kuti Iyo wakaŵa na Nkhongono yakutonda. Ndipo Iyo wakatemwa, ndipo chida Chake chikaŵa chitemwa. Sono wonani.

³² Ntheura para Iyo wakati wachita chira, para Iyo wakayimirira dazi limoza kumphepete kwa dindi la Lazaro, ndipo kukaŵa munthu, wakafwa, ndipo wakasungika mazuŵa ghanayi. Nanga ndi ŵeneawo ŵakaŵa kufupi, ŵakati, “Nanga ndi sono iyo wakununkha.” Mphuno yake yikaphwafuka, mphorozo zikanjira palipose mwa iyo. Ndipo Yesu wakayimirira apo, ngati Chatonda wankhangono, para Iyo wakayowoya kwa Marita na Mariya, para Iyo wakayimirira apo, “Kasi Ine nanguyowoya yayi kwa imwe, ‘Usange imwe mungagomezga waka, imwe muwonenge uchindami wa Chiuta?’” Iyo wakaŵa kuti wamalizga waka kuyowoyanga (para iwo ŵakati, “mdumbu withu wafwa,” na vinyake ntheura), Iyo wakati, “Ine ndine chiwuka na Umoyo! Iyo mweneuyo wakugomezga mwa Ine,

nangauli iyo wangafwa, kweni iyo waŵenge wamoyo. ndipo uyo yose ngwamoyo ndipo wakugomezga mwa Ine, wafwenge yayi. Kasi Ine namuphalirani yayi imwe kuti Yamuyaya yira, Nkhongono yakutumbikika yiri mkati mwa Ine?” Iyo nthawakayowoya mazgu pera, Iyo wakaŵa wamagomezgeko kuchita chirichose icho Iyo wakayowoya, pakuti Iyo wakaŵa Chatonda wankhongono.

³³ Kukhalanga mwa Iyo, kusunga, kubisika na thupi la munthu, ngati munthu, kweni mkati mwa icho mula mukakhala munyake yayi kweni Chiuta Mwenenkhongono, Yumoza mukuru na wankhongono. Iyo wakamanya kulengaso. Iyo wakamanya kulenga vinthu viphya. Iyo wakamanya kuyowoya, ndipo icho Iyo wakaromba chikamanya kuperekeka pa yachiŵiri yira. Kweni, Iyo wakajiyuyura Iyomwene, Iyo wakajikhizga. Iyo wakakhumbanga kuti wapereke chiyezgerero. Iyo wakakhumbanga kuti waŵe mtundu wakwenerera wa Chatonda, ndipo Iyo wakaŵa. Sono, Iyo wakajisimikizgira Iyomwene kuti wakaŵa.

³⁴ Umo ine ndiri kuyowoyera kanandi mu maungano ghane, panji ichi chingachitira ukaboni mlenji uwu, mu gulu ili la ŵanthu, pa mlenji wakutowa uwu wa Isitara. Dona, wa mpingo unyake uwo nthawakugomezga mu kuzomeranga Ndopa za Fumu Yesu. “Kwambura kuthiskika kwa Ndopa, kulije kugowokereka ku kwananga.” Iyo wakandiphallira ine kuti Munthu yura wakaŵa waka muprofeti, Munthu wakuziziswa, ndipo ine nkhamupanga Iyo Wauzimu. Ine nkhati, “Iyo wakaŵa Wauzimu. Iyo wakaŵa Chiuta.”

Iyo wakati, “Iwe ukuyezga kumupanga Iyo mukuru chomene.”

³⁵ Ine nkhati, “Kulije mazgu ghangamanya kurongosora ukuru Wake!” Lilime la munthu lindasange karongosolero!

³⁶ Nkhayowoyanga na munthu dazi linyake, kazembe kufuma ku Washington, DC, ndipo iyo wakati, pa ukaboni uchoko pa a—chakurya chamlenji uko ise tikachezganga pamoza, iyo wakati, “M’bale Branham, ine ndiri kuŵa wa Lutheran umoyo wane wose. Kweni,” iyo wakati, “dazi linyake apo nkhaŵa pa chisisimuso cha kachitiro-kakale,” wakati, “Ine nkhwagwada pasi pa guwa, ndipo nkhwakumbanga kuti nipokere chakunichitikira na Chiuta.” Iyo wakati, “Ndipo para ine nkhaŵa kula pa makongono ghane...” Sono, uyu wakaŵa kazembe wa ku Washington wakatunikira nanga ndi pasi pa Purezidenti Cooledge. Ndipo para iyo “wakati walaŵiska kuchanya,” iyo wakati, “Ine nkhwawona mboniwoni ya Yesu.” Iyo wakati, “Ine nkhumanya kuyowoya viyowoyero nayini vyakupambanapambana, makoraghene.” Iyo wakati, “Kweni ine nkhatondeka kusanga lizgu limoza lakuti ndiyowoye, pa viyowoyero vyose vira nayini.” Iyo wakati, “Ntheura ine

nkhakwezga waka woko lane, ndipo Iyo wakandipa ine chimoza chiphya, chakuti ndiyowoyere.” Iyo wakati, “Ine ndawona waka Uchindami wa chisko Chake.”

³⁷ Dona uyu wakuyowoya kwa ine, iyo wakati, “M’bale Branham, Yesu wakaŵa chinyake yayi kweni munthu, muprofeti waka.”

Ine nkhati, “Iyo wakaŵa Chiuta, mlongosi wane.”

³⁸ Iyo wakati, “Iwe ukumupanga Iyo Wauzimu, kweni Iyo ndiyo yayi.” Ntheura iyo wakati, “Pa ulendo wakuruta ku dindi la Lazaro, Baibolo likati, ‘Iyo wakalira.’”

³⁹ Nadi, Iyo wakaŵa mtima weneko wa Chiuta. Iyo wakasuzgika ngati ndiumo ise tikasuzgikira. Iyo wakaŵa thupi ngati ndiumo ise tiriri thupi. Iyo wakanyamura, mu thupi Lake, makhumbiro gheneghara na vinthu ivyo ise tikuchita. Kweni, kuti waŵe Sembe yakufikapo, Iyo wakayenera kuchita icho. Iyo wakachita. Kweni ine nkhati. . .

Iyo wakati, “Iyo wakalira, pakuruta ku dindi la Lazaro.”

⁴⁰ Ine nkhati, “Kweni, o, dona, uwo mbunenesko. Iyo wakaŵa Munthu, para Iyo wakaliranga. Kweni para Iyo wakati wayimilira kula, kumphepete kwa dindi lira, uko wakufwa wachete wakagona, uko thupi lakuvunda likagona, likavungirizika na saru, para Iyo wakati, ‘Fumiskanipo libwe,’ Iyo wakaguzira thupi Lake lichoko pamoza, ndipo wakati, ‘Lazaro, uka!’ Ndipo munthu uyo wakaŵa kuti wafwa, mazuŵa ghanayi, wakayimirira pa marundi ghake.”

⁴¹ Kasi chikaŵa chivichi? Chivundi chikamumanya Mlengi wake. Uzima ukamumanya Bwana wake. Ndipo Chatonda mukuru yura na wankhongono wakasimikizgira kuti Iyo wali na Nkhongono pa nyifwa, na ku gehena, na dindi.

⁴² Nadi, ichi chikukondwereska mtima withu! Imwe mukuyowoya za kutchayanga mabeseni ghakuchapiramo mbale, na kulizganga masengwe? Charu chikwenera kuti chiŵe mu chikondwerero mlenji uwu, ngati kuti chindaŵemo nakale, kuchemerezganga na kuhoyereranga kwa ŵanthu Ŵake, chifukwa ili ndi dazi lachikumbusko lakuti para Iyo wakati watonda murwani waumaliro, ndipo wakatimasula ise ku umikoli.

⁴³ Enya, Iyo wakaŵa Munthu. Uwo mbunenesko. Iyo wakasimikizgira kuti wakaŵa Munthu, ndipo Iyo wakasimikizgira kuti wakaŵa Chiuta.

⁴⁴ Usiku umoza, para yikuru, nyanja yikali, iyo yiri kuchema masauzandi gha maumoyo. . . Panyake ŵamama ŵanyake imwe muno, mlenji uwu, ŵanyamata ŵinu ŵakafwira mu nyanja yikali kuwaro kula, iwo panyake ŵali kubira kusi kwa majigha mu charu chikuru ichi cha nkondo. Ŵakutemweka ŵinu ŵanyake ŵali chigonere kuwaro uko, panji pasi pa nyanja.

45 Kweni usiku umoza para Iyo wakaŵa chigonere mu boti lichoko, ndipo majigha ghakadukanga a-pa nyanja, ngati chibenekererero cha pa botolo, Iyo wakanyamuka, ndipo wakaŵika rundi Lake pa chingwe cha boti, Iyo wakalaŵiska Kuchanya, wakati, “Mtende.” Ndipo ku majigha, Iyo wakati, “Khala chete!” Ndipo nyanja yankhongono yira yikazika mpaka ntha likaŵapo nanga ndi jigha pa iyi. Nadi, Iyo wakaŵa!

46 Ndi unenesko kuti Iyo wakaziya ngati Munthu. Para Iyo wakati wakhira kufuma ku phiri ndipo Iyo wakaŵa na njara, kulaŵiskanga mu khuni kupenjanga chinyake chakuti warye, Iyo wakaŵa Munthu. Kweni para Iyo wakati watora mabisiketi ghankhonde na somba zichoko zira, ndipo wakaryeska fayivi sauzandi, Iyo wakaŵa mukuru kuruska Munthu.

47 Para Iyo wakati wafwa virimika nayintini handiredi vyajumpha, dazi kuseri kwa mayiro, kulenderanga pa mphinjika, kuliriranga lusungu, “Chiuta Wane, Chiuta Wane, kasi Imwe mwandisidirachi Ine?” Iyo wakafwa ngati Munthu. Kweni virimika nayintini handiredi na chakuti vyajumpha, mlenji uwu, Iyo wakasimikizgira icho Iyo wakaŵa! Iyo wakapereka chididimizgo chaumaliro cha umesiya Wake para Iyo wakati wadumura pakati vingwe vya nyifwa na gehena, ndipo wakawuka mu dindi, wakatonda “Ine ndine wamoyo muyirayira! Ndipo, pakuti Ine ndiri wamoyo, imwe ndimwe ŵamoyo namweso!”

48 Apo pali Chatonda! Imwe mukuyowoya za kuvuranga vyakuvwara na kukhupuranga ichi? Ŵanthu ŵakuti ise ndise ŵakuzerezeka chifukwa ise tikukokomoka ndipo tikuchimbira, ndipo ise tikuchemerezga ndipo ise tikuhoyerera. Iwo ntha ŵali kupulikapo kunthunthuma kwa kutonda kwa Kuchanya, kwakuti, “Nkhondo yamara!” Withu mukuru, Chatonda wankhongono wali kutonda chirichose! Iyo wayimilira yekha, mlenji uwu, palije wakumukhwaska!

49 Para Iyo wakati wafika ku charu chapasi, iwo ŵakamupa Iyo zina lapasi chomene ilo iwo ŵakamanya kumupa Iyo ngati *wakunyanyira*, iwo ŵakamuchema Iyo *Berezebure*, “kalonga wa viŵanda.” Uwo mbunenesko. Iyo wakaruta ku msumba wapasi chomene uwo uli mu charu chapasi, Yeriko, ndipo munthu muchoko chomene mu msumba wakaghanaghana kuti wakamuwone Iyo. Kweni para Chiuta, virimika nayintini handiredi vyajumpha, wakamuwuska Iyo! Icho ndicho munthu wakachita kwa Iyo. Kweni, na chida cha chitemwa, Iyo wakatonda chiŵanda chirichose.

50 Ndipo Chiuta wakamukwezga muchanya chomene Iyo, ndipo wakamupa Iyo Zina lakuruska zina lililose ilo liri kuthyika Kuchanya na pasi. Zina lililose Kuchanya likugwadira ku Zina la “Yesu”! Mungelo waliyose, mulamuliri waliyose, chirichose chikugwadira ku Zina la “Yesu”! Lilime lililose

lizakumulambira Iyo, khongono lirilose lizamugwada kwa Iyo. Ndipo Iyo wali kukwera kuchanya chomene, mpaka Iyo wakuchita nanga nkhulawiska pasi kuti wawone Machanya. Uyo ndi Chatonda wankhongono! Uyo ndi Mweneuyo wakachita ichi! Para Iyo wakati wafumapo pa charu chapasi, pamilyuma, usiku wamara ise tikaŵa nawo, Iyo wakaŵa na makiyi gha nyifwa na gehena kulenderanga kulwandi Kwake, amen, “Mungopanga, Ine ndine Iyo uyo wakafwa, ndipo ndiriso wamoyo muyirayira. Ndipo” (*ndipo* ndi mulumikizi) “Ine ndiri na makiyi gha nyifwa na gehena, kulenderanga nkhanira *uku*.” Mukuyowoya za Chatonda! “Ndipo, pakuti Ine nkhatonda, Ine nkhamupangirani waka imwe msewu wapachanmya kuti muyendengemo.”

⁵¹ Munthu wakakanika Kuchanya, misewu yapachanya yikajarika. Kukaŵavye misewu yapachanya. Kweni, uko kukaŵavye misewu yapachanya, Iyo wakiza kuzakapanga umoza. O, mwe! Mzere wakudankha ukaŵa mademone gha nkhaiyiko, nyake ukaŵa sankho, wakurondezgakoko ukaŵa uzukusi; charu ichi chikabenekerereka na mizere ya nkhangono ya demone; pamilyuma urwari, matenda. Kweni para Iyo wakati wayamba kukwerera Kuchanya! Usiku wamara ise tikaŵa nayo Iyo wakwiza kufuma mu gehena, wali na makiyi gha nyifwa na gehena ku lwandi Kwake. Mlenji uwu ise tikumutorera Iyo muchanya. Aleluya! Para Iyo wakati wauka, Iyo wakaŵa... Iyo wakatonda. Ndipo, apo Iyo wakakweranga kuchanya, Iyo wakadumura nkhangono yiriyose ya devulu iyo yikulamulira munthu. Iyo wakakwera Kuchanya, ndipo wakapereka vyawanangwa kwa munthu, vyawanangwa vya Mzimu Mutuŵa. Chatonda wankhongono! Iyo wayimirira yekha, mlenji uwu! Ndipo, pakatikati pa Iyo na wakugomezga waliyose, pali msewu wakale wakutumbikika wa utuŵa apo ŵarunji ŵazamkwenda. Kulije nthowa yakufyolowokera. Kuli mzere umoza pera ukajurika kufuma ku Uchindami. Iyo wakasida Mikwevu ya marundi ya Ndopa apo Iyo wakayenda kujumpha mu makorido gha nkhangono za mademon, ndipo wakatipangira msewu wapachanya ise, lando wose kwendangamo. Iyo wakhala Kuchanya, mlenji uwu, ngati Chatonda wankhongono!

⁵² Ŵanthu ŵake ŵali na chikondwerero. Makhumi gha masauzandi gha iwo, charu zingirizge, ŵakuchemerezga kutonda.

⁵³ Ine ndiri kuchiwona chakujikhungurufya chakale ichi chakujoyinanga-mpingo. Ine nkhumanya kulingalira munyake kuyowoyanga... Ine ndikuwoneskenge iwe uheni wa ichi.

⁵⁴ Kuno, para Nkhondo Yakudankha yikati yamara, uthenga ukizanga kukhira na msewu kuno, kunjira mu basi ya Greyhound. Iwo ŵakati, “Kasi chiwawa chose ntchavichi? Kasi chose ichi ntcha vichi?”

55 Ndipo yumoza wa iwo wakati, “Laŵiskani kuno, apa pali nyuzi. Nkhondo yamara waka.” Ndipo waliyose kuliranga na kuchemerezganga.

56 Kweni mwanakazi yumoza wakati, “O, mwe, ntchifukwa uli iyi yikamara ngati nthaura?” Wakati, “Usange iyi nthena yangurutirirako waka mazuŵa ghachoko kunthazi,” wakati, “Yohane na ine nthena tanguŵa chikhalire pa msewu wakuphweka.” Wakati, “Ise nthena tanguŵa chikhalire kula.”

57 Kukaŵa mwanarumi wakayimirira kumanyuma kwakulekezgera basi; wakamukora mwanakazi yura, ndipo pafupifupi nthena wakamuponya kuwaro kujumpha pa muryango. Ndipo para ŵapolisi ŵakati ŵamukaka mwanarumi, iyo wakati, “Chifukwa icho ine nanguchitira ichi,” iyo wakati, “mwanakazi yura wakaŵavye waliyose kudera kula mweneuyo iyo wakamuganziranga. Kweni ine ndiri na ŵanyamata ŵawiri kudera kula.” Iyo wakati, “Ine nkhatondeka kuzizipizga kukhwaskika kwane.”

58 O, m’bale! Ine ndiri na dada kudera kula. Ine ndiri na ŵakutemweka kudera kula. Ichi ndi chinyake kwa ine, para Yesu wakati watonda. Ine ndiri na muwoli. Ine ndiri na bonda. Ine ndiri na ŵakutemweka. Mukuru yura, Chatonda wankhongono! Imwe mungamanya kundichema ine “mutuŵa-wakukunkhuluka” panji “msopisopi wakunyanyira,” chirichose imwe mukukhumba. Kweni, para ine nkughanaghana za kuti nkhondo yikuru yira kuti yamara, mtengo walipirika, kutonda kwachitika. Yesu wakauka ku ŵakufwa, chididimizgo chaumaliro cha umesiya Wake, kuti chose ichi chamara. Iyo ngwamoyo, mlenji uwu, wali na makiyi gha nyifwa na gehena. Ine ndiri na ŵakutemweka awo ŵali kusirya kwa mphaka kula. Ine ndiri pa msewu wapachanya uweme uwu, kwendanga kuti nkhaŵawone iwo. Rekani kughanaghana kuti ine ndine wakuzerezeke. O, kweni ine ndine wakukondwa chomene kuti chose ichi chakhazikiskika! Ndi ntchito yakumalizgika.

Kukhala wamoyo, Iyo wakanditemwa ine;

kufwa, Iyo wakandiponoska ine;

Kusungika, Iyo wakanyamulira zakwananga zane kutali;

Kuwuka, Iyo wakandirunjiska kwawanangwa muyirayira:

Dazi linyake Iyo wizenge—o, dazi lauchindami!

59 Ubapatizo wakale wakatumbikika uwu wa Mzimu Mutuŵa, kuti utirongozge ise kukwera msewu wapachanya wakale uwu wakuziziswa, o, umo Ichi chiliri chauchindami! Kasi ine nichitenge uli soni na Ichi? Ine nayimilira na Paulos Mutuŵa, mlenji uwu, kuyowoyanga ichi, “Ine ndirije soni na Ivangeli la Yesu Khristu, pakuti Ili ndi Nkhongono ya Chiuta kufika ku chiponosko.” Ndi Nkhongono yakutonda

urwari. Ndi Nkhongono yakutonda nyifwa. Ndi Nkhongono yakutonda dindi.

⁶⁰ Para wachikanga yura, mupostoli wakale wakati wafika ku umaliro wa ulendo wake, ndipo iwo wakajima dindi lake kuwaro kula, ndipo nyifwa yikamulaŵiska iyo nkhanira mu maso, iyo wakaseka nkhanira pamaso pa iyi. Iyo wakati, “Nyifwa, kasi liwozga lako lirinkhu? Dindi, kasi kutonda kwako kulinkhu?” Pamanyuma iyo wakachemerezga marumbo gha Chiuta, “Kweni wawongeke Chiuta Uyo wakatipa ise kutonda kwizira mwa Fumu yithu Yesu Khristu!”

⁶¹ Chatonda wankhongono chomene uyo wakaŵako, Chatonda wankhongono chomene uyo wakafwa, pakuti Iyo wakaŵa Yekha pera uyo wakamanya kutonda; kufwa, na kutonda nyifwa iyoyene, na kuwukaso mu kutonda! Iyo wakasimikizgira icho Iyo wakaŵa. Chikaŵa chididimizgo chaumaliro cha umesiya Wake.

⁶² Ndipo sono, kwa mwaŵi, usange mungaŵa munyake mu nyumba iyi mlenji uwu, uyo ndi membara wakujikhungurufya wa mpingo, ndipo ntha wakumanya chimwemwe cha nkondo kuti yamara. Ŵanthu wakuchemerezga, ŵanthu wakusekerera, ŵanthu wakulira! Imwe mukuti, “Kasi chachitika ntchichi na iwo?” Iwo wakumanya ichi ndi chinthu chakumalizgika. Ichi chose chamara! Nadi! Ise tikulizga ng’oma. [M’bale Branham wakakuŵa mawoko ghake—Munozgi] Ise tikulizga mbata, ndipo Ivangeli a-likupharazgika. Uchindami na Nkhongono ya Chiuta vyamanyikwa. Ndipo iyi ndi ntchito yakumalizgika, mugwirizano wasayinika; uchindami kwa Chiuta, Khristu wakasayinira uwu mu Ndopa Zake Yekha! Nkhondo yamara. Kutonda kwachitika. Ndine yayi nkhatonda iyi; Iyo wakatonda iyi! Ine ndine waka wakukondwa waka za ichi. Mwe!

⁶³ Para ŵanyamata ŵanyake ŵara ŵakaweranga kufuma kusirya kwa nyanja, iwo ŵakundiphalira ine, para sitima yikati yafika mu New York, para iyi yikanjiranga mu gombe, iwo ŵakalaŵiska kudera kula ndipo iwo ŵakawona Chikozgo cha Wanangwa. Ndi chinthu chakudankha imwe mukuwona, chakwera muchanya. Iwo ŵakanyamuka, ŵankhondo ŵanyake ŵara ŵakupundukwa kuwaro pa sanja ya sitima, mwakuti iwo ŵangamanya kuchiwona ichi. Ndipo para iwo ŵakuyamba kuwona Chikozgo chira cha Wanangwa, iwo ŵakuyamba kulira. Iwo ŵakalira. Iwo ŵakatondeka kujikora. Munthu mukuru chomene wakayimilira kula, munthu-wamawoko ghamadunamaduna, a-wakunjenjema na kumbwambwantha. Iwo ŵakatondeka kuzizipizga kukhwaskika kwawo. Chifukwa? Ichi chikaŵa chimanyikwiro cha wanangwa. Kuseri waka kwa Chikozgo chira cha Wanangwa, kukaŵa . . .dada, mama, ŵakutemweka, ŵapamtima, muwoli, bonda, wose pa charu ichi awo ŵakaŵa ŵakutemweka kwa iwo, ŵakaŵa kumanyuma kwa ichi. Ndipo pambere iwo ŵakaŵa ŵandanjire, iwo ŵakamanya, ichi chikaŵa charu cha ŵakusutuka na chikaya cha ŵachikanga.

Nadi, ichi chingamanya kugwedeza kukhwaskika kwinu, ndembera yakale yira kukhupukanga. Ghanaghanani za ichi, msirikali wa mabamba wakufika mu gombe! Nadi, iyi yikaŵa nyengo yiweme.

⁶⁴ Kweni, o, m'bale, umoza wa milenji iyi, para Sitima yakale ya Zion yikulira, ndipo ine nkhuwona chimanyikwiro chira chikuyimirira kula, Mphinjika yakale yakuphyoka! Apo mphepo a-zikukhupura ndembera yakale yituwurufu, apo iyi yikwenda kujumpha mu nyakhuŵinda wa nyifwa. Ndi kutonda uli uko kulipo! Chifukwa, ndicho chifukwa ise tingazizipizga yayi kukhwaskika kwithu! Chinyake chachitika; ise tazgoka ŵenekokaya ŵanyawo. Chinthu chakwanira.

⁶⁵ Para iwo ŵakati ŵapima biriji likuru pakatikati pa Kumpoto na—na—na—na Kumwera kwa Australia, kufuma ku Sydney, kuŵenukira ku South Sydney. Umo munthu waliyose wakatorera... Chifukwa, iwo ŵakaruta charu chose, kuyezga kuti ŵasange munthu kuti wachite ichi. Ntchito yira yikaŵa yikuru chomene, chifukwa iwo ŵakayowoya kuti paliye munthu wangamanya kuchita ichi. Paumaliro, munthu kufuma ku England wakati, "Ine ndiyigwirenge ntchito." Ndipo para iyo wakati wafika kula kuti wakayigwire ntchito yira, iyo wakapima chakukhozgera chirichose icho chikanjira mu biriji. Mbiri yake yikaŵa pa urwani. Iyo wakayezga dongo lose na chirichose icho chikanjira pasi. Iyo wakafufuza kulikose, ndipo ŵaweme chomene awo iyo wakamanya kusanga; iyo wakatora mamekaniki ghapachanya chomene, ŵakaswiri chomene ŵamankhwala, chiweme chomene icho iyo wakamanya kusanga, kuzingilira iyo. Ndipo, paumaliro, para biriji likati lamalizgika, ndipo dazi likafika apo ili likayenera kuyezgeka.

⁶⁶ Ŵakusuka ŵakayimilira kutali kumphepete limoza, ndipo iwo ŵakati, "Ili likhorenge yayi. Ili liwenge. Pali muchenga unandi chomene apo."

⁶⁷ Kweni iyo wakajima pasi, pasi, pasi, pasi chomene. Iyo wakaŵa nacho chisimikizgo. Iyo wakamanya kuti chirichose chikayezgeka. Ndipo iyo wakati, "Ine ndipangenge ulendo wakudankha kwambukapo, ndamwene." Ndipo apo iyo wakayambukanga pa biriji, panthazi pa mulara wa msumba, kumanyuma ngati ntheura; ndipo sitima zikuru za pamtunda, pafupifupi sikisi pamoza, zikuyambuka, kugwedezganga biriji lira. Munthu mukuru uyo wakapanga ili, wakayenda panthazi pa gulu ili, ngati ntheura, "Usange ili likuwa, ine nkhuwa nalo ili." Kweni iyo wakaŵa nacho chisimikizgo.

⁶⁸ Umo ndimo Fumu yithu yakutumbikika yikachitira para Iyo yikati yapanga Mpingo Wake! Iyo wakuyezga chakukhozgera chirichose, chirichose icho chikanjira mu Uwu, pakuti Uwu ukwenera kuchapika na Ndopa! Ndipo yumoza wa ŵakusuka wakayimirira kumphepete, wakati, "Gulu lira la ŵatuŵa

ŵakukunkhuruka, iwo ŵachitenge yayi ichi.” Kweni limoza la mazuŵa agha ghauchindami! Mukuru uyu, Chatonda wankhongono wakwenda kunthazi kwithu muhanyauno, watonda! Rekani uwu unjenjeme, uchite icho uwu ukukhumba, Iyo wati. . .Ntha paŵenge mung’alu umoza mu ili, palipose, pakuti Iyo wapanga nthowa, ndipo wakamalizga iyi. Nadi!

⁶⁹ Ise tikughanaghana muhanyauno pa mazgu gha ŵanthu, ghakuŵika malingaliro ghithu pa vinthu vya charu. Kweni reka ine ndikuphalire chinyake iwe, m’bale, ntha ungandizomerezganga ine ndichite soni na Ivangeli! O, m’bale, ine ndine wakachitiro-kakale, wakubabikaso, wakubabikaso na Mzimu Mutuŵa, na Mzimu wa Chiuta. Ine nkhababika mwantheura umo, ndicho chekha ine ndiri, ndipo chose ine nkhekumba kuŵa.

⁷⁰ Nyengo yimoza, kale chomene yayi, kukaŵa msungwana uyo wakafuma ku koleji. Ndipo iyo wakaŵa muweme, msungwana muchoko. Ndipo para iyo wakati wafika ku nyumba, iyo wakiza na fundo zake zinyake za ku koleji.

⁷¹ Ndipo panyake, mlenji uwu, ŵanji ŵa imwe mwanguŵa na fundo zinu za kuwaro. Panyake imwe mwanyamura, kuruta ku tchalitchi, fundo zinu zinandi. Enya, tayani izo, ndi chinthu chiweme chomene ine nkhumanya chakuti muchite.

⁷² Ntheura msungwana uyu, para sitima yikati yayima, iyi yikiza na msungwana muchoko pamoza na iyo, yumoza wa mtundu ula wa muchoko wakusuzga, imwe mukumanya, ngati mtundu wa Elvis Presley. Ndipo para iyo wakaŵa chiyimilire kula, imwe mukumanya, pa sitima, mama wake wakaŵa kuwaro, mwanakazi mulara wayimirira apo, mabamba palipose, ku maso kwake; muchoko, wamapewa ghakubwanthuka; wawara diresi lichoko lamatakisi, shawelo chichoko pa mapewa ghake. Ndipo muchoko uyu wakusuzga uyo wakaŵa na iyo, msungwana munyake uyu, wakalaŵiska pasi, ndipo wakati, “Enya, ndinjani wachitima yura, wasoka wakale wamawonekero-ghakuphwanyika?”

⁷³ Enya, imwe mukumanya, ichi chikamukhozga soni chomene msungwana, iyo wakati, “Ine nkhumumanya yayi,” chifukwa iyo wakaŵa waka wapadera chomene, ndipo wakaŵa na fundo zinandi za charu mu mutu wake. Ndipo uyu wakaŵa mama wake.

⁷⁴ Para iyo wakati wakhira sitima, mama mulara wakujikhizga wakachimbilirako, kuti waponye mawoko ghake kumukumbatira iyo. Iyo wakati, “O, wakutemweka, Chiuta watumbike mtima wako uchoko.” Ndipo iyo wakamukankhira kumanyuma iyo ndipo wakayamba kufumapo, ngati kuti iyo wakamumanya yayi iyo. Iyo wakakhozgeka soni, chifukwa mama wake wakaŵa muheni chomene.

⁷⁵ Ndipo kukachitika kuti, kondakitara wa sitima yira, wakayimanyanga nkhani. Iyo wakayenda kuzingilira kudera kula, ndipo wakaŵika mawoko ghake pa phewa la msungwana yura, wakamung'anamulira iyo panthazi pa gulu lira, wakati, "Soni pa iwe! Soni pa iwe!" Wakati, "Ine ndiri kuyiwona nyengo apo kuti mama wako wakaŵa wakutowa kwandaniska khumi umo iwe uliri." Wakati, "Iyo wakaŵa. . .Ine nkhalhalanga mu uzengezgani." Ndipo wakati, "Iwe ukaŵa kabonda kachoko, ndipo iwe ukaŵa m'chipinda chamuchanya mu bedi lako. Ndipo mama wako wakayanikanga malaya kuseri kwa nyumba." Ndipo wakati, "Mbweni kwamabuchibuchi, ng'anjo yikakora moto, ndipo nyumba yose yikaŵa mu dimi la moto. Ndipo para mama wako wakujikhizga wakati wafika, ndipo wakamanya kuti iwe ukaŵa mu chipinda cha muchanya, muchanya mula." Wakati, "Iwo ŵakachemerezga, ndipo ŵakayezga kumukora iyo. Kweni iyo wakatora icho wakaŵa nacho, ulendo, ndipo wakachimbira kujumpha mu dimi lira la moto, ulendo mu vipinda vya muchanya; ndipo wakaguza malaya ghake kufuma mu thupi lake, ndipo wakakuvungirizga iwe mu agha. Ndipo apa iyo wakwiza, wakuwerera kujumpha mu dimi la moto, wanyamura iwe. Ndipo iyo wakakomoka, mu baraza, wali na iwe mu mawoko ghake." Ndipo wakati, "Iyo wakatora icho chikati chimuvikirirenge iyo, ndipo wakavikilira iwe." Ndipo wakati, "Chifukwa icho iwe ndiwe wakutowa muhanyauno, ndicho chifukwa iyo ndi muheni. Ndipo, iwe ukung'anamura kundiphalira ine, iwe uli na soni na mabamba ghara pa mama wako?"

Ine nkughanaghana muhanyauno:

Usange Yesu wanyamura mphinjika yekha,
Ndipo charu chose chiyende mu wanangwa?
Yiriko mphinjika ya waliyose,
Ndipo yiriko mphinjika ya ine.

⁷⁶ Usange Yesu wakaghanaghanirika kuti wakaŵa "Berezebure," na charu ichi, Iyo wakasekeka ndipo wakanyozeka, ndipo wakapayikika pa mphinjika, wakazgoka soni kwa ine, ine ndine wakukondwa mwakukwanira kuzizipizga kunyozeka kwa utuŵa Wake. Enya, bwana. Nichemeni, "Mutuŵa wakukunkhuruka!" chirichose imwe mukukhumba kunichema, ndemanga yiriyose imwe mukukhumba kuti mupange. Icho ntha chikulekeska ichi napachoko pose. Ine ndine wakukondwa waka, mlenji uwu, kuti, mu mtima wane, Khristu wakuwuka ngwamoyo ndipo wakuwusa. Ine ndine yumoza wa ŵana Wake. Ine nkhumomezga kuti imwe muli, namweso.

⁷⁷ Nyengo yithu yamara sono. Ndi ndendende seveni koloko, apo ise tanguti tifumenge. Visopo vinyake viyambenge pafupifupi mu maora ghaŵiri, sono, pa nayini-sate.

Tiyeni tisindamiske mitu yithu, pa kanyengo waka, mu kuromba.

78 Wadada Wkutumbikika Wakuchanya, maminiti fote-fayivi ghajumphu, Mazgu ghapharazgika. Mitima yithu njakukondwa. Chikondwerero chikuchitika; ntha chikondwerero cha dazi limoza, kweni chikondwerero cha Umuyaya! Mu Uchindami, Wangelo wakwimba. O Chiuta, Mpingo, wakatonda, ukwimba. Mabelu gha chimwemwe ghakulira. Mauzima agho kale ghakasuskikira ku nyifwa, ndipo kuti ghafwe na kuruta ku dindi la devulu, devulu wagonja! Nyifwa yagonja. Dindi lagonja. Urwari wagonja. Kugomezga vyaung'anga kwagonja. Urwani wagonja. Thinko lagonja. Mphwayi zagonja. Unonono wagonja. Kujitumukura kwagonja. Chirichose chagonja. Khristu ndi Chatonda mukuru!

Wonani! Muwoneni Chatonda Wankhongono,
(wakayowoya mlembi)

Wonani! Muwoneni Iyo mukuwonekera
pakweru,

Pakuti Iyo ndi Chatonda Wankhongono,
Kufumira apo Iyo wakapalura chidiko paŵiri.

79 Iyo wakapalura chidiko chira icho chikabisa munthu kufuma kwa Chiuta, ndipo sono Chiuta wakukhala pakati pa ŵanthu. Iyo wakapalura chidiko chira icho chikajanda machirisko gha Chiuta. Iyo wakapalura chidiko chira icho chikajanda thumbiko la Chiuta. Iyo wakapalura chidiko chira icho chikajanda chimwemwe cha Chiuta. Iyo wakapalura chidiko chira icho chikajanda mtende wa Chiuta. Sono chidiko chaparuka paŵiri. Na Ndopa Zake Yekha, Iyo wakayenda ngati Chatonda! Nkhondo yamara, Iyo wakasimikizgira ichi kwa ise mu chiwuka Chake. Ndipo sono Mzimu Mutuŵa ndi kaboni, wakatumba kuzakatirongozga ise.

80 O Chiuta Wamuyirayira, usange walimo munyake muno mlenji uwu, uyo waziwurika waka munthowa, mkati na kuwaro, kufuma ku msewu wapachanya, wakuwa mumphepete mwa msewu, ntha wali kwendapo pakatikati pa msewu, na ngwazi zikuruzikuru, ngwazi zikuru izo zikayenda pakatikati pa msewu wapachanya, ise tikuomba, mlenji uwu, kuti iwo ŵaperekenge vyawo vyose kwa Imwe, na kufuma na kusekerera kutonda kukuru uku uko kwachitika na Fumu yithu yakuwuka. Perekani ichi, Wadada, pakuti ise tikuomba ichi mu Zina la Khristu.

81 Ndipo apo ise tiri na mitu yithu yakusindama. Ine nkhumanya yayi, mu chigaŵa ichi cha nyengo, kuti usange imwe mungakwezga mawoko ghinu kwa Khristu, na kuti, "Khristu, ine nkhuwonga, ine ntha ndizamuchitaso soni na Imwe. Ine ndiri kuŵa waka wasoni pachoko." Chiuta wakatumbike iwe, dona. Chiuta wakatumbike iwe, bwana. Chiuta wakatumbike iwe, iwe. O, mwe, mawoko ghakuwoneka palipose! "Ine ndiri kuŵa na

wofi pachoko. Ine ndiri kuwa na soni. Ndipo ine nkughawona nadi malo ghane sono. Ine ntha nkhayenera kuchita icho. Ine nkhuenera kuti ndiyimirire nkhanira pakweru, kupereka ukaboni wane! Ine nkhuenera kuwa ndendende icho. Ine nkhuenera kuti niphaliye waliyose, 'Ine nababikaso.' Ine nkhuenera kuti niphaliye waliyose, 'Ine napokera Mzimu Mutuwa.' Ine ndirije soni na Ivangeli, pakuti Ili ndi Nkhongono ya Chiuta kufika ku chiponosko. Ine nkhuukumba kuti ndiwe Mukhristu mweneko wakurazga kunthazi. Ine ntha ndiri kuwa. Kweni, mwa kovwirika na Chiuta, kufumira mlenji uwu wa Isitara, ine nditiwenge. Ine nditiwenge." Ulipo wamunyakeso ukwezge mawoko ghako sono pambere ise tindarombe? Chiuta wakatumbike iwe, iwe, iwe.

⁸² Mwe, wonani vigamuro! Pafupifupi twente-fayivi panji sate, wakhala pakati pa gulu lichoko ili la wanthu mlenji uwu, wapanga chigamuro. Kufumira pa mlenji ukuru uwu wakutonda, iwo wakuruta, mwa uchizi wa Chiuta, wangangamikenge ndipo ntha kuchita soni na Ivangeli, pakuti Iyi ndi Nkhongono ya Chiuta kufika ku chiponosko.

⁸³ O Chiuta, apo mawoko agha ghakwera muchanya, ndipo sumu yikupulikikwa kumanyuma pa msewu, apo ise tajumpha kufuma ku nyifwa kufika ku Umoyo, pakuti Imwe muli kuyowoya, "Iyo mweneuyo wakupulika Mazgu Ghane, ndipo wakugomezga pa Iyo mweneuyo wakandituma Ine, wali na Umoyo wamuyirayira." Iwo wajumpha nyifwa wafika ku Umoyo, chifukwa Imwe mukazgoka nyifwa mwakuti iwo wangamanya kuwa Umoyo, kwizira mu chiwuka Chinu. Imwe mukapangika wapasi kuruska Wangelo, mukiza kuzakawa munthu, mukafumako ku Thupi lauzimu lira lakufuma Kuchanya, ilo likazgoka thupi ndipo likawa na Ndopa, ndipo likathiska Ndopa zira, mwakuti Imwe mungamanya kutipangira ise tose nthowa yakufyolowokera. Ntheura mukachita icho pera yayi, (ise tikuwazga ichi mu Baibolo), kweni Imwe mukasimikizgira ichi, kwambura kutondeka, mwa kuchita kuwuka ku wakufwa, na kuwuskanga wakufwa para Imwe mukaawa pano pa charu chapasi; icho pera yayi, kweni Imwe mukachita, Imwe mukasimikizgira ichi pawiri, umo Imwe mukachitira kwa Abraham; sono, kusazgirapo icho, Imwe mukatuma Mzimu Mutuwa ngati kaboni. Ndipo ise tiri na Kuwapo Kwake kwakatumbikika kuli na ise, ndipo mwa ise, kutidangilira ise, kutirongozgera ise mu Unenesko wose na Kuwara.

⁸⁴ Ise tikumuwongani Imwe chifukwa cha mawoko ghanandi agha agho ghakwera muchanya, mlenji uwu, kuyowoyanga, "Ine sono nkhumutora Khristu ngati wane." O Chiuta, usange iwo wandabapatizike mu maji, kuyimira nyifwa yikuru, kusungika, na chiwuka cha Fumu yawo yakutumbikika, nkhuromba iwo wafikeso ku chisopo mlenji uwu, kwiza na vyakuvwara vyawo,

ndipo wakunozgeka kunjira mu chiziwa ichi chakuzizima. Perekani ichi, Wadada.

⁸⁵ Titumbikeni ise. Mutigowokere ise zakwananga zithu. Ise timurumbeninge Imwe, mu miwiro iyo yikwiza. Para nkondo yamara, para josi lose lamara, ndipo chimwemwe chose chamara, cha milomo iyi ya pacharu chapasi, uko ise tikumurumbani Imwe na chirichose ise tiri nacho, ise tizamkuwa na mazgu ghaphya, wanthu waphya, kuti timurumbeni Imwe. Nkhumba ise tinjiremo na chimwemwe. Pakuti ise tikuomba ichi mu Zina la Khristu. Amen!

⁸⁶ Tiyeni tiyimirire pa marundi ghithu sono...?..Kuruwa yayi visopo, nayini-sate. Rutanga kunyumba, mukarye chakurya chinu cha mlenji. Mukizeso, ise tikukhazga kuti tiwenge na imwe sono. Ndipo ntheura usiku uwu, kumbukirani. Ine nkhuenera kuti ndifumepo kumuhanya uku, kukaŵazga na kurombanga.

⁸⁷ Pakuti ine nkhumunenerani imwe, kuti, Khristu ngwamoyo, Iyo wandafwe. Ndipo ine nkhumomezga, na mtima wane wose, Iyo waŵenge nkhanira mu nyumba iyi usiku uwu, kuwoneska kuti Iyo ngwamoyo, kuchita vinthu vyenevira ivyo Iyo wakachita pa mlenji wakudankha ula wa Isitara na mu ulendo wa umoyo Wake. Usange icho chiri ntheura yayi, ipo ine ndiri kuwa muprofeti mutesi. Ine ndine wakukondwa chomene kumanya kuti mu ora likuru ili la mdima ilo ise tikukhalamo sono, apo chigomezgo chose, mukawonekero, chamara; Khristu, Jarawe lakuhora ise tingamanya kuyimirirapo, malo ghanyake ghose ndi michenga yakutitimira. Viri makora.

⁸⁸ Yithu yichoko, sumu yakufumira, yakuti *Yegha Zina La Yesu Na Iwe*. Waliyose, pamoza sono.

Yegha Zina la Yesu na iwe,
Mwana wa chitima na wasoka;
Likupenge chimwemwe na . . .

⁸⁹ Ng'anamukani, ndipo koraniko chasa, ndipo yowoyani, "Yirumbike Fumu," kwa munyake pafupi namwe. (Enya, tumbikani Fumu...?)

Chigomezgo cha charu na chimwemwe cha
Kuchanya;
Zina lakuzirwa, O kunowa!
Chigomezgo cha charu na chimwemwe cha
Kuchanya.

⁹⁰ Sono waliyose walaŵiske nkhanira kudera uku. Tiyeni timurumbe waka Iyo. Tiyeni tikwezge waka muchanya mawoko ghithu, na kuti, "Nkhumuwongani Imwe, Fumu, chifukwa cha kuponoska uzima wane." Viri makora, waliyose!

Nkhumuwongani Imwe, Fumu, chifukwa cha
kupososka uzima wane,

Nkhumuwongani Imwe, Fumu, chifukwa cha
 kundipanga ine wamusuma;
 Nkhumuwongani Imwe, Fumu, chifukwa cha
 kundipa ine,
 Chiponosko Chinu chikuru chakuzura
 chomene ndipo chaulere.

⁹¹ Ndi chinthu chakutumbikika uli! Kasi imwe mukumutemwa Iyo? Yowoyani, “Amen.” O, a . . . Chirichose chamalizgika sono, mwaŵana. Chirichose chamara, kulijeso nkhondo, kulijeso nkhondo, palije icho imwe mukwenera kuti muchite; ichi chachitika kale. Ise tikusekerera waka! O, mwe! Ise ndise ŵakukwanira, mwa Iyo!

. . . kuyegamiranga,
 Ŵakuvikilirika na ŵakuthaskika ku
 kuchuruskika;
 Kuyegamiranga, kuyegamiranga,
 Kuyegamiranga pa mawoko ghamuyirayira.
 O, umo kuliri kunowa kwenda mu ulendo uwu
 wa mwendanthowa,
 Kuyegamiranga pa mawoko ghamuyirayira;
 O, umo nthowa yikungwerukira dazi na dazi,
 Kuyegamiranga pa mawoko ghamuyirayira.
 Kuyegamiranga, kuyegamiranga,
 Ŵakuvikilirika na ŵakuthaskika ku
 kuchuruskika;
 Kuyegamiranga, kuyegamiranga,
 Kuyegamiranga pa mawoko ghamuyirayira.

Imwe mwaŵeneimwe mungachita, ndipo muli na thaulo,
 torani ili.

. . . o, kuyegamiranga,
 Ŵakuvikilirika na ŵakuthaskika ku
 kuchuruskika;
 Kuyegamiranga, kuyegamiranga,
 Kuyegamiranga pa mawoko ghamuyirayira.

Sono Baibolo linu!

Kuyegamiranga, kuyegamiranga,
 Ŵakuvikilirika na ŵakuthaskika ku
 kuchuruskika;
 Kuyegamiranga, kuyegamiranga,
 Kuyegamiranga pa mawoko ghamuyirayira.

⁹² Kasi ntchichi ichi? Ŵakuvikilirika na ŵakuthaskika, kulikose, vyose vyamara, nkhondo yamara, chididimizgo chaumaliro chadumuka, Iyo wakwera. Aleluya!

Kuyegamiranga, kuyegamiranga,
 Ŵakuvikilirika na ŵakuthaskika ku
 kuchuruskika;

Kuyegamiranga, kuyegamiranga,
Kuyegamiranga pa mawoko ghamuyirayira.

⁹³ Sono tiyeni tisindamiske mitu yithu kurazga ku dongo uko Chiuta wakatitora ise, uko dazi linyake ise tizamukwera kufuma ku dongo la charu chapasi. Pakuti, Fumu yithu, wakatoreka kufuma ku dongo, wakanjira mu dongo, kuti wapereke kwa ise Mzimu Wake wambura chivundi, Iyo wakawuka kufuma ku dongo, na wose awo wâli mwa Iyo, wâzamikwera pamoza na Iyo dazi linyake, kuruta ku malo gha wâkutumbikika.

⁹⁴ Apo ise tiri na mitu yithu yakusindama, ine nkhuwona M'bale Smith wali pakati pithu, mlenji uwu, mliska wa Mpingo wa Chiuta; wakanifonera ine usiku wamara. M'bale Smith, uli iwe ukhire waka. Ine nkhumanya yayi sono, kuti usange M'bale Smith wangatifumiska ise mu lizgu la pemphero. Apo imwe mukuchimbirira ku nyumba zinu, ndipo mukarye chakurya chinu chamlenji. Mukizeso ku chisopo cha Sande sukulu, na chisopo cha ubapatizo, nkhanira kwambira pa nayini-sate. Tiyeni tisindamiske mitu yithu, apo M'bale Smith wakutifumiska na pemphero.



CHATONDA MUKURU NA WANKHONGONO CTK57-0421s
(The Great And Mighty Conqueror)

MNDANDANDA WA CHISISIMUSO CHA ISITARA

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata ya Isitara pa kufuma kwa zuwa, Epuleru 21, 1957, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na Voice Of God Recordings.

CHITUMBUKA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org